

Catrina Giossi-Berther

23-11-9?

La Catrina ei naschida ils 20 d'avrel 1911 a Rueras, feglia da Gion Battesta Berther da Camischolas e d'Onna Maria Caduff da Rueras. Quella famiglia habitava enagiudem il vitg. La Catrina ei stada il secund affon da quella lètg, plinavon dus frars ed aunc ina sora. La ventireivla lètg ei denton stada cuorta, ei la mumma Onna Maria gia morta igl october 1915. In bab e quater affons pigns ein restai anavos persuls. In grev pensum per il bab ed ina cuzzonta largia per ils affons. En quei ambient ei era la defuncta stada pertuccada. D'in bab spir carezia e premura ein ils affons vegni tgirai ed instrui per il cuors dalla veta. Bein han era forzas jastras gidaud, mo la mumma ha negin saviu cumpensar. Segir ei il temps da giuventetgna dalla Catrina stada savens aschs e dirs. Cun lavur e fadigia ha ella stuiu far enconuscentscha ina vet' ora.


Las scolas ha ella frequentau a Rue ras e dus onns la classa reala tier Sep Mudest Nay a Camischolas. Ella eri ina tuttavia allerta scolarra e s'instruinda detg bein tenor sias forzas.

Silsuenter ha ei giu num far enconuscentscha cun il paun jester, en plaz-

zas a Sursaissa, lu el cantun Uri e giu Lucerna. Returnada a casa ha ei tuccau da segidar vinavon en famiglia.

Ils 13 da matg 1937 ei la Catrina entreda en lètg cun il giuven scrinari Gion Antoni Giossi da Rueras. Lur tener-casa han els fundau en la veglia casa pervenda ch'il Toni e siu frar havevan acquistau dalla pervenda. En quella casa ha quella giuvna lètg retschiert enteifer 13 onns diesch affons; sis fegls e quater feglias. En quellas cefras schai in'immens mantun da lavur e sacrifici. La Catrina ei veramein stada ina mumma exemplarica che ha sco ella ha saviu e pudiu purtar beinduras grevas uras, mo segir era bia legria e ventira cun ils ses.

Ed ussa aunc in per lingias dalla Catrina vischina. Bugen seraschunava ella cun vischins ed amitgs. Veva ella enzatgei sil cor, veva ella il basegns da se-communicar. In tut apparti dun haveva ella per glieud malsavanaugh e veglia, in fatg che biars han schazegiau zun fetg. Ils davos onns – dapi 1972 – ein els stai se-casai orasisum il vitg. Mintga dumengia, sche buca mintga di han ins pudiu s'entupar cun la Catrina sin via en ba-



selgia e quei ad uras. Segir ei la Catrina stada aschia in grond exempl per biars. Aschi ditg sco ella ha pudiu ha ella fatg quei tur, il davos quasi sur possa.

Quei viadi ha calau si e priu fin. Nus sperein e cartein ch'ella hagi contonschiu il post dalla ventira externa. – Ella rruaussi en pasch.

CATRINA GIOSSI-BERTHER, RUERAS



Naschida ei la defuncta Catrina ils 20 d'avrel 1911 sco secunda feglia da Gion Battesta Berther e da Onna Maria Berther Caduff. Morta ils 5 da settember 1993 e satrada il di dalla fiasta dalla naschientscha dalla mumma celestiala sin nies idilic santeri a Sedrun. Aschia ha la cuorsa dalla veta terrestra finiu per la Catrina.

Denter quels dus datums schai in veta da bia lavur e fadigia, mo era ina veta tgemblada da grazias. Cunquei ch'ella ha giu piars baul sia mumma ha ella empriu baul da luvrar, da star en pils auters e da segidar.

Disada aschia da pign ensi, ha ella teniu quella lingia ina veta ora. Cun siu consort han els tratg si 10 affons enteifer 13 onns. Ella ha sesprau d'ademplir sia obligaziun en mintga grau, tuttavia per ils ses en famiglia. Era eis ella stada ina femna dossada cun in'admirabla energia e forza da lavur. Tier tut quei fuva ella aunc el cass de savens e cun voluntad serender en baselgia tier survetschs divins ed oraziun. Dar ina paterlada e mantener il contact denter vischins, visitar malsauns e glieud veglia, tut duns ch'ei drova per in prosperar denter in vischinadi.

Gest en baselgia han ils emprems mussaments da sia malsogna entschiet. Stada serendida in per gadas el spital ha la malsogna surpriu ella e magliau giu da sia veta. Il di da sia mort ei stau di da comiau per sia famiglia e speronza di d'encorunaziun per tut bien fatg entras ella sin quest mund.